



REPUBLIKA E SHQIPËRISË  
AGJENCIA E SIGURIMIT TË CILËSISË NË ARSIMIN E LARTË  
BORDI I AKREDITIMIT

VENDIM

Nr. 22, datë 19.02.2021

PËR  
AKREDITIMIN E PARË TË PROGRAMIT TË STUDIMIT TË CIKLIT TË PARË  
BACHELOR NË “ADMINISTRIM BIZNESI”, TË UNIVERSITETIT “ISMAIL  
QEMALI”, VLORË

Bordi i Akreditimit, bazuar në Ligjin Nr. 80 datë 17.09.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për funksionimin e Organeve Kolegjiale të Administratës Shtetërore dhe Enteve Publike”, Ligjin Nr. 44/2015, datë 30.04.2015, “Kodi i procedurave administrative të Republikës së Shqipërisë”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, i ndryshuar, Vendimin e Këshillit të Ministrave nr. 531, datë 11.9.2018, “Për miratimin e Kodit të Cilësisë së Arsimit të Lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë”, Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit” dhe Vendimin e Bordit të Akreditimit, Nr. Ekstra 1, datë 02.02.2018 “Për miratimin e Rregullores së Bordit të Akreditimit”, në mbledhjen e tij të datës 19.02.2021, në kuadër të vendimmarrjes për akreditimin e parë të programit të studimit të ciklit të parë, Bachelor në “**Administrim Biznesi**”, me të dhënat si më poshtë:

- a) Emërtimi i programit: Bachelor në “**Administrim Biznesi**”
- b) Cikli i studimit: Cikli i parë
- c) Akti zyrtar i hapjes/licensimit: Vendim i Këshillit të Ministrave Nr.105, datë 28.02.1994 , riorganizuar me shkresë të Këshillit të Fakultetit Nr. 121, datë 22.07.2009
- d) Institucioni që e ofron: Universiteti “Ismail Qemali”, Vlorë
- e) Njësia bazë përgjegjëse: Departamenti i Biznesit
- f) Kohëzgjatja (Vite/semestra): 3 vite / 6 semestra
- g) Kredite (ECTS): 180 kredite
- h) Forma e studimit: Me kohë të plotë
- i) Statusi i diplomës: ofrohet vetëm nga Universiteti “Ismail Qemali”, Vlorë
- j) Niveli i diplomës në kuadrin e Kornizës Shqiptare të Kualifikimeve: Niveli 6

**pasi mori në shqyrtim:**

- a. Dokumentacionin e Vetëvlerësimit, përfshirë të dhënat e programit të studimit;
- b. Raportin e Vetëvlerësimit dhe dokumentacionin mbështetës;
- c. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- d. Vlerësimin e cilësisë në përmbajtje, të kryer nga ekspertët e jashtëm në përbërje të Grupit të Vlerësimit të Jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e institucionit në kuadër të këtij procesi;

**konstaton se:**

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në këto akte;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimit të Jashtëm dhe gjetjet e verifikimet gjatë vizitës në institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet, pikat e forta e afirmimet dhe pikat e dobëta, të identifikuar e verifikuar përmes dokumentacionit dhe vizitës në institucion;
- e. Rezultati i vlerësimit në lidhje me shkallën e plotësimin të *“Standardeve për sigurimin e cilësisë për programet e studimit të ciklit të parë “Bachelor”* dhe cilësinë e ofertës akademike të programit të studimit është **“i përmbush pjesërisht standardet”**, me mangësitë si më poshtë:

1. Ngarkesa e lartë mësimore e stafit akademik të këtij programi studimi, ka ndikuar në uljen e cilësisë së programit të studimit.
2. Angazhim i ulët i stafit akademik efektiv në projekte kërkimore shkencore dhe mungesa e përfshirjes së studentëve të këtij programi në këto projekte.
3. Kapacitete laboratorike të pamjaftueshme në funksion të këtij programi studimi, si dhe mungesa e ambienteve rekreative për studentët.
4. Hapësirat pritëse të bibliotekës dhe fondi fizik i saj, janë të pa mjaftueshme për realizimin me sukses të këtij programi studimi.
5. Mungesa e diversifikimit të mekanizmave për sigurimin e brendshëm të cilësisë, sikurse parashikohet në nenin 22 të Statutit të institucionit.








*Mbështetur mbi rezultatet dhe arsyetimin e mësipërm, Bordi i Akreditimit,*

**VENDOSI:**


1. Vlerësimin përfundimtar **POZITIV** për programin e studimit **Bachelor** në “**Administrim Biznesi**”, të **Universitetit “Ismail Qemali”, Vlorë**, me rekomandimet sipas shtojcës së këtij vendimi.
2. **Akreditimin** e programit të studimit me kohëzgjatjen prej **3 (tre)** vite.
3. Afati përfundimtar i vlefshmërisë së akreditimit të programit të studimit është **30/09/2024**.
4. Ngarkohet Agjencia e Sigurimit të Cilësisë në Arsimin e Lartë për zbatimin e këtij vendimi, publikimin dhe lëshimin e certifikatës së akreditimit brenda një muaji nga data e marrjes së këtij vendimi, si dhe monitorimin për ruajtjen në vijim të Standardeve të Kodit të Cilësisë dhe plotësimin e rekomandimeve sipas shtojcës bashkëlidhur.

Ky vendim hyn në fuqi menjëherë.

### BORDI I AKREDITIMIT


ARJAN GJONÇA		Kryetar
ALEXANDER KOHLER		Anëtar
FABRICE HENARD		Anëtar
ARBEN MERKOCI		Anëtar
ALEKSANDËR XHUVANI		Anëtar
ANILA PAPARISTO		Anëtar
SULO HADERI		Anëtar
LULJETA MINXHOZI		Anëtar

GËZIM VISOKA




Anëtar

DRINI IMAMI



Anëtar

FATMIR GURI



Anëtar

*Znj. A. Papparisto nuk ka firmosur për shkak të konfliktit të interesit.*

## Shtojca

Rekomandimet në zbatim të vendimit të Bordit të Akreditimit Nr. 22 , datë 19.02.2021 ,  
“Për akreditimin e parë të programit të studimit **Bachelor në “Administrim Biznesi”**”, të  
Universitetit “Ismail Qemali”, Vlorë, janë si vijon:

1. Institucioni, të marrë masa për uljen e ngarkesës mësimore të stafit akademik të këtij programi studimi, për t’i dhënë mundësinë këtij të fundit të angazhohet më shumë në projekte dhe aktivitete të tjera kërkimore shkencore.
2. Institucioni, të rrisë kapacitetet laboratorike në funksion të këtij programi studimi.
3. Institucioni, të rrisë hapsirat pritëse të bibliotekës si dhe të zgjerojë fondin e saj me tekste në gjuhën shqipe, angleze, revista shkencore, periodikë, si dhe më shumë literaturë bashkëkohore për programin e studimit.
4. Institucioni, të diversifikojë mekanizmat për sigurimin e brendshëm të cilësisë, sikurse parashikohet në nenin 22 te Statutit të institucionit.
5. Institucioni, në disa prej lëndëve të këtij programi studimi, të përditësojë literaturën e përdorur duke përfshirë tituj të paktën të 5 viteve të fundit.
6. Institucioni, të rrisë përfshirjen e studentëve në aktivitete të ndryshme vendimmarrëse dhe këshilluese, me qëllim plotësimin e interesave të tyre. Angazhimi i studentëve të jetë më konkret, më i verifikueshëm dhe i matshëm.

Në përmbushje të rekomandimeve të mësipërme, **Universiteti “Ismail Qemali”, Vlorë**, duhet të hartojë një Plan Veprimi konkret dhe ta dorëzojë atë brenda 6 (gjashtë) muajve pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

